Encephali anatomica descriptio / a doctore Lupi filio.

#### Contributors

Lupi, Pietro, Junior. Bonaparte, Charles Lucian, 1803-1857

#### **Publication/Creation**

Romae : Ex typographia Bernardini Olivieri, 1826.

#### **Persistent URL**

https://wellcomecollection.org/works/jq8yc7qx


#### License and attribution


This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org





#### FRANKLIN INSTITUTE LIBRARY PHILADELPHIA, PA.

Class 611.81 Book 2973 Accession 380

#### REFERENCE

bond, or obligation, for the sum of FIFTY DOLLARS, as security for his due observance of the rules of the Library, and for the value of such books as may be injured or lost by him.

Section 2. No individual shall be permitted to have more than two books out at one time, without a written permission, signed by at least two Members of the Library Committee, nor shall a book be kept out more than two weeks; but if no one has applied for it, the former borrower may renew the loan: should any person have applied for it, the latter shall have the preference.


Section 3. A fine of ten cents per week shall be exacted for the detention of every book beyond the limited time; and if a book be not returned within three months, it shall be deemed lost, and the borrower shall, in addition to his fines, forfeit its value.

Section 4. Should any book be returned injured, the borrower shall pay for the injury, or replace the book, as the Library Committee may direct; and if one or more books, belonging to a set or sets, be lost, the borrower shall pay the full value of the set or sets, and may take the remaining volumes.

ARTICLE 7. Any person removing from the Hall, without permission from the proper authorities, any book, newspaper, or other property in charge of the Library Committee, shall be reported to the Committee, who may inflict any fine not exceeding Twenty-five Dollars.

ARTICLE 8. No Member, whose annual contribution for the current year shall be unpaid, or who is in arrears for fines, shall be entitled to the privileges of the Library or Reading Room.

ARTICLE 9. If any Member shall refuse or neglect to comply with the foregoing rules, it shall be the duty of the Actuary to report him to the Committee on the Library.



0011210 00017/0 al Chiariveino D. Carlo Guciano Sonaparte Principe & Marignano in regard & rispetto 6 Rutore Insembed by the author to Carlo Luciano Gulio Lorenzo Bonazante (1803-1857, (brother of Napoleon) ITI French nationalist

# ENCEPHALI

ANATOMICA DESCRIPTIO


#### A DOCTORE LUPI FILIO

PERACTA



#### ROMÆ 1826

Ex Typographia Bernardini Olivieri Superiorum permissu



# (III) ANATOMIÆ

IN ROMANO ARCHILICÆO

AUDITORIBUS

**Cum** nova de cerebri anatome reperta, quæ hodie a recentioribus anatomiae cultoribus Gall, Mekelius, Cloquet, Chaussier habuimus, non parum a celeberrimorum anatomicorum, quos antea sectati fuimus demonstrationibus discrepent, cumque hæc nova opera præ omnium manibus esse nequeant aut quia externo idiomate excusa, aut quia nimium pro tyronum capacitate, atque institutionum ratione pro-1 \*

380

#### ( IV )

ducta sunt ; ita hanc novam videndi cerebrum methodum, quam me optimus Pater docuit, iterum, iterumque in theatro anatomico Xenodochii S. Spiritus a me comprobatam, atque in formam institutionum contractam vobis offero. Hæc autem ipsius Patris venia suarum quas futuro anno typis mandabit institutionum partem efficient.

いきちをいうにもなかなる いいなり、 かっていろう とないいはなんとうなる きちまき

in the state of the second of the second of the second of the

town finds this of the delice in

# (V) ENCEPHALON

and the second second to second the second s

I. Est organon molle, pulposum, in cranii cavo contentum, centrum plurimorum nervorum, qui sensui, et motui inserviunt.

Encephalon hoc perspicuitatis gratia in quatuor diversas partes est dividendum, quae sunt : primo Cerebrum proprie dictum totam ferme cranii caveam superius replens ; secundo Cerebellum in fossis occipitalibus inferioribus situm ; tertio Protuberantia cerebralis , aut Mesocephalon in basi cranii locata ; quarto demum Medulla vertebralis.

In harum partium descriptione ab illa medullæ vertebralis exordie-

## ( VI )

mur utpote quæ in embrione prius enascitur.

II. Medulla Spinalis est corda quaedam medullaris, cujus diameter antero-posterior brevior est illo transverso, quæque ab extremitate inferiori, seu cauda equina sursum ascendens in Medullam oblongatam, seu Bulbum rachiticum; Protuberantiam anularem; Pedunculos Cerebelli; et Crura Cerebri prolongatur.

In medullæ linea mediana tam anterius, quam posterius sulcus longitudinalis conspicitur in dextram, sinistramque partem eam dividens ( scissura medullæ spinalis, seu mediana anterior, et posterior). Utraque hæc portio tam ante, quam pone ad latera sulci longitudinalis sulcos alios laterales anteriorem, ac

## ( VII )

posteriorem habent, in quos inseruntur radices nervorum spinalium, quarum posteriores, juxta nuperrima Magendie observata sensui, anteriores motui addictæ supra medullæ laterales funiculos conjunguntur ad nervos spinales sensui, et motui famulantes componendos.

III. Tam dextra, quam sinistra medullæ pars in tres funiculos medullosos anteriores, posteriores, laterales subdividuntur, qui a scissuris medianis anteriori, posteriori, nec non lateralibus notantur.

Funiculi medullosi anteriores dum pyramidibus medullæ oblongatæ originem præbent, in varias fasciolas sursum ascendendo dividuntur; quæ decussantur ut dextræ in sinistram et sinistræ in dextram cerebri partem terminentur.

#### (VIII)

IV. Medullæ substantia exterius medullaris, interius corticalis est. Hæc transversim nucleum exhibet, qui lateralibus extremis veluti in semicirculum abit parte convexa centrum, concava latera respicentem, cujus extremitates in sulco laterali anteriori, ac posteriori finem habent, ubi cum nervis spinalibus continuantur.

Absoluto medullæ spinalis examine, primoMedullam oblongatam, secundo Cerebellum, tertio Cerebrum considerabimus.

## Medulla oblongata, atque Protuberantia Cerebralis.

V. Medulla oblongata est immediata medullæ spinalis continuatio a prima colli vertebra ad medietatem corporis ossis basilaris extensa; por(IX)

tio ejus inferior Bulbus Rachiticus nominatur.

Triangulum quodammodo, atque pollicis longitudinem exprimens. ascendendo crassescit ; hinc in dextram, sinistramque partem a sulco dividitur, qui sulci anterioris longitudinalis medullæ spinalis soboles est. Ejus inferior extremitas quatuor anterius exhibet eminentias, duas internas corpora pyramidalia; externas alias olivaria ( corpora ovata Soemmering) nominata: his eminentiis lateraliter, et aliquantulum posterius dux alix adsunt pyramides laterales, processus restiformes, aut crura cerebri ad medullam oblongatam dictæ, quæque a funiculis posterioribus medullæ spinalis videntur exoriri.

VI. Inter corpora pyramidalia, at-

que olivària sulci laterales anteriores; inter corpora olivaria, atque processus restiformes sulci laterales posteriores originem auspicantur.

## Protuberantia Anularis.

VII. Supra medullam oblongatam, cerebrum inter, atque Cerebellum Protuberantia Anularis, Pons Varolii, Nodus Cerebri, aut Mesocephalon situm est.

Figuram quadrangularem habet, cujus margo superior eminentias quadrigeminas ; inferior medullam oblongatam ; laterales vero scissuras respiciunt longitudinales, quæ cum fossa Silvii continuantur.

VIII. Duæ præterea adnotantur facies, una anterior, seu inferior convexa a sulco longitudinali arteriam basilarem excipiente notata,

## (XI)

quæque supra fossam basilarem occipitis sita est ; altera superior, seu posterior *plana*, Cerebrum, atque Cerebellum respiciens.

IX. Ab hujus quadranguli superioribus angulis duo crura, seu medullares productiones ad cerebrum; inferioribus vero duo crura seu productiones medullares ad cerebellum exoriuntur.

X. Facies plana superius respicit tubercula quadrigemina, aut bigemina retro commissuram posteriorem tertii ventriculi sita, atque a sulco cruciato a se invicem sejuncta, quorum superiora majora nates, inferiora minora testes dicuntur.

XI. Super hæc, et retro trigonum cerebrale glandula Pinealis ( conarium ) ex cortice facta, atque pisi formam exprimens sita est. Hæc 2 \*

#### ( XII )

duabus radiculis medullosis divergentibus thalamis opticis adhæret, atque huic substantia quædam ex plurimis granulis non raro calculosis (acervulus, seu glandulæ pineales) coalescens adstat. Inter conarium, atque telam choroideam apertura posterior canalis arachnoidei reperitur.

XII. Testibus inferius adhærent duo funiculi medullares descendentes ad crura cerebelli; inter hos protenditur velum medullare ab extremitate posteriori vermis cerebelli anterioris exortum, atque in modo dictas eminentias quadrigeninas inferiores protensum. Velum hoc valvula magna cerebri, aut Vicussenii dicitur.

XIII. Inter velum, atque faciem posticam eminentiarum lateralium

#### ( XIII )

medullæ oblongatæ, seu corporum restiformium ventriculus quartus excavatur. Cavitas hæc superius ab extremitate aquæductus Silvii enata inferius in medullam oblongatam, atque Cerebellum fine cæco (ventriculus cerebelli) terminatur. Præterea posterius a valvula magna, anterius a superficie postica corporum restiformium circumscribitur.

XIV. In facie hac postica contra valvulam magnam sinus quidam triangularis excavatur, qui sinus Romboidalis, aut bulbi rachitici, calamus scriptorius, ventriculus Arantii, fovea ventriculi quarti dicitur. In sinu hoc tæniæ quædam medullares (fasciolæ cinereæ) oblique decurrunt, quæ fere omnes ad nervum acusticum producuntur; aliquando harum tæniolarum anterio-

## ( XIV )

res ad nervum quinti paris ; posteriores ad pneumo-gastricum protenduntur.

XV. Protuberantia anularis densitate totum systema cerebrale exsuperat. Exterius ex fibris medullaribus transversis, interius a substantia cinerea cum fibris medullaribus alternatim permixta conflatur; in centro autem fibræ quædam medullares longitudinales cum transversis alternatæ in utroque latere conspiciuntur, quæque inferius a pyramidibus exortæ superius in cerebri crura producuntur ad ejus gyros producendos.

# Cerebellum .

alloy trom

XVI. Infra tentorium, atque cerebri lobos posteriores cerebellum locatur.

## ( XV )

Dividitur in corpus, atque pedunculos. Corpus in partem mediam, atque laterales subdividitur; figuram ellipticam habet, cujus diameter traņsversus longior est illo antero-posteriori.

XVII. In duas distinguitur partes improprie emispheria dictas ; in quibus duæ facies superior, et inferior ambæ leviter convexæ adnotantur ; quæque quatuor marginibus obtusis anteriori , posteriori , et lateralibus circumscribuntur.

XVIII. Facies superior convexa est veluti fornix; inferior autem in medio concava, in lateribus convexa conspicitur. Hujusmodi facies a se invicem per sulcum separantur, qui totam cerebelli circumferentiam metitur. Sulcus hic Cerebralis magnus a Vicq d'Azir, et

#### ( XVI )

magnus orizontalis a Reil dictus cerebellum in partem superiorem, atque inferiorem dividit. Præterea in cerebelli circumferentia posterius incisura adest, in quam cerebelli falx immittitur.

XIX. Externa cerebelli superficies plurimis notatur sulcis semicircularibus concentricis, a gyris seu potius laminis cerebellosis efformatis, in quos pia mater producitur. Præter hos leves sulcos tam superior, quam inferior facies a sulcis profundioribus in plures lobos superiores, atque inferiores dietos dividitur.

XX. In facie superiori cujusque emispherii duo sese exhibent lobi superior-anterior, et superior-posterior.

Lobus superior-anterior a sua fi-

#### (XVII)

gura quadrangularis etiam dictus interne cum suo socio per vermem conjunctus formam exhibet semicircularem; posterius per sulcum superiorem cerebelli Vicq-d'Azir a lobo posteriori superiori dividitur. Retro ad sulcum hunc lobus superior-posterior, seu semilunaris situs est.

XXI. Facies cerebelli inferior quatuor exhibet lobos, nempe primo lobum inferiorem posteriorem, seu semilunarem : secundo lobum inferiorem anteriorem, seu cuneiformem, aut biventrem : tertio lobum inferiorem internum tam externe, quam interne convexum, quique lobus spinalis a Gordon, monticulus a Vicq-d'Azir, tonsilla a Malacarne nominatur; hic extremitate anteriori processui restiformi me-

#### (XVIH)

dullæ oblongatæ innititur, posteriori vero originem præbet uvulæ, quæ inter amygdalas insinuatur: quarto lobum externum anteriorem, quique aliis minor flocculus, lobus nervi pneumo-gastrici Vicq-d'Azir, lobus subpeduncularis dicitur. Hic supra præcedentem ab illo funiculo medullari enascitur, qui a pedunculo cerebelli eminentias quadrigeminas petit. Lobulus hic latere interno cum suo socio conjunctus in laminam medullarem semicircularem, facie interna nodulo innixam, externa seu postica liberam abit, quam velum medullare posterius, aut valvulam posteriorem dicunt.

XXII. Duo cerebelli emispheria in linea mediana per eminentiam vermiformem, vermis cerebelli, tam superius, quam inferius inter se

## (XIX)

conjunguntur; quæque tota ex transversis plicis cum illis superficiei cerebelli aut continuatis, aut implicatis in vermem superiorem, aut anteriorem, atque in vermem inferiorem, aut posteriorem dividitur.

XXIII. Vermis superior a margine posteriori faciei superioris cerebelli cum verme inferiori continuus exoritur : hinc anterius procedens primum lobos superiores posteriores conjungit; dein monticulum cerebelli ex quinque segmentis constructum constituit ; tandem in margine anteriori ubi vermis anterior dicitur prius descendit aliquantulum posterius, dein angulo acuto efformato iterum antrorsum reflectitur; ut cum valvula magna cerebri continuetur.

XXIV. Valvula hæc, aut velum 3\*

#### (XX)

medullare anticum, quod ad cerebelli partem medianam inter recentiores Mekelius refert, ab extremitate posteriori vermis anterioris enata inter funiculos a crure cerebelli ad eminentias quadrigeminas quodammodo inserta in scissura eminentiis quadrigeminis interjecta finem habet.

XXV. Vermis inferior in linea mediana superficiei inferioris situs, atque a margine posteriori hujus faciei enatus a scissura transversali superficiali dividitur; hinc anterius ascendendo intumescentiam exhibet, cui pyramis a Malacarne dicta continuatur; ante pyramidem extenuatur, ut cum amygdalis continuetur, atque sua extremitate ( uvula seu nodulus Malacarne, eminentia mammillaris vermis inferioris Vicq-

#### (XXI)

d'Azir) cum velo medullari postico ex utroque latere conjungatur.

Quod autem notari meretur vermis anterioris, atque inferioris extremitates hic quasi continuari, et tantummodo sejungi tam per ultimum ventriculi quarti aut cerebelli finem, quam per parvam fissuram transversam piam matrem, seu plexum choroideum ventriculi quarti ducentem.

XXVI. Quoad cerebelli fabricam. Cum fibrarum convergentium, atque divergentium fasciculi non adhuc, uti in cerebro demonstrari potuerint, nos tantummodo divergentes examinabimus.

Fibræ hujusmodi ex triplici fonte exoriuntur : primo lateraliter ab angulis posterioribus protuberantiæ anularis, seu a cerebelli peduncu-

## (XXII)

lis : secundo a pyramidibus lateralibus, (corpora restiformia, seu processus ad medullam spinalem, seu fasciculi primitivi cerebelli juxta Gall) quæ a facie posteriori bulbi rachitici ad latus internum pedunculorum cerebelli ascendendo accedunt : tertio a duobus funiculis, (processus ad testes) qui ab eminentiis quadrigeminis posterioribus enati, valvulam Wieussenii intercipientes, ad partem superiorem, atque internam eorumdem pedunculorum applicantur.

Hujusmodi tres productiones communem truncum constituunt in cujus centro nucleus ovalis ( cerebelli ganglion) per marginem corticalem dentatum atque a reliqua medulla distinctum sese offert. ( corpus rhomboideum, seu fimbriatum,

#### (XXIII)

seu dentatum) Dein truncus hic partim in linea cerebelli mediana (vermis) partim in cerebelli emispheriis veluti centrum aut arboris truncum (vitæ arbor) constituit, ex quo plures ramificationes ad superficiem prolongantur. Ex his ramificatio nibus minores aliæ educuntur, quæ una cum cortice in lamellas illas, seu plicas faciliter separabiles ex duplici pagina compositas, atque in cerebelli superficie conspicuas adeunt; harum plicarum sexaginta circiter fecit celeberrimus anatomicus Cloquet, quarum quævis ex secundariis aliis conflatur, ita ut Chaussier, qui primus eas descripserit, sex, aut septem centum adnumeraverit.

Coscard's many houses and a chine detailed for any and

#### (XXIV)

and, a tiquate to a stiar hamin, but


#### Cerebrum.

the branched tourstien downed and the

XXVII. Est maxima encephali pars cranii caveam a fronte ad fossas occipitales superiores extensam replens. Ejus figura spheroidea est.

Distinguitur in dextrum, sinistrumque emispherium per fissuram longitudinalem in qua processus falciformis duræ matris replicatur.

XXVIII. Duæ in cerebro notantur facies, superior, atque inferior; facies superior, aut externa in linea mediana sulcum longitudinalem, aut *inter-emisphericum* habet, in quem *falx cerebralis* duræ matris sese producit. In hujus sulci fundo infra falcem lamina medullaris transversim ducta, corpus callosum, mesolobus, aut commissura



maxima emispheria conjungit. Qua parte commissura hæc in emispheria producitur in quoque latere faciei internæ hujus sulci cavitas longitudinalis quasi parabolica exurgit, quam similem fecere laryngis ventriculis.

Tota emispheriorum externa superficies gyros intestiniformes, atque respondentes anfractus, seu sulcos exhibet.

XXIX. Facies inferior tres exhibet lobos, anteriorem supra orbitæ fornicem; medium supra fossas laterales basis cranii; posteriorem eerebelli tentorio innixum. Præterea inter lobos anteriores in linea mediana continuatio sulci inter-emispherici cum falcis anteriori extremo conspicitur; atque in latere externo hujus sulci supra faciem in-

## (XXVI)

feriorem lobi anterioris sulcus alter se promit pro nervo olfactorio, cujus extremitas *tuberculum* exhibet *triangulare*.

XXX. Retro ad sulcum hunc inter lobum anteriorem, atque medium scissura interlobaris aut Silvii est ramum carotidis internæ recipiens. Hæc margini posteriori apophysis Ingrassias respondens uno extremo oblique exterius inter hos lobos procurrens in anfractuositatibus externæ superficiei evanescit, altero vero ad angulum rectum cum scissura alia longitudinali continuatur, quæ externe a lobo medio, interne a nervis opticis, atque pedunculis anterioribus eminentiæ anularis circumscribitur ; scissura hæc cum alia transversali inferius describenda posterius communicat.

#### (XXVII)

Quo loco Silvii fossa cum descripto sulco longitudinali continuatur substantia quædam medullaris apparet pluribus foraminulis vasa arteriæ cerebralis mediæ propagines ducentibus pertusa, substantia perforata antica dicitur.

XXXI. Inter duas scissuras interlobares commissura nervorum opticorum est, a cujus superiori superficie membrana cinerea, et transparens exurgit, quæ extremitatem anteriorem tertii ventriculi circumscribit, atque ad anteriorem corporis callosi partem ducitur.

XXXII. Retro ad commissuram opticam *tuber cinereum* Soemmering adest. Hoc posterius ducitur ad *eminentias pisiformes*, hinc partem pavimenti ventriculi tertii, atatque inferius corpus conicum (*in*-4'\*

#### (XXVIII)

fundibulum) glandulam pituitariam petens constituit.

XXXIII. Glandula hæc (hypophysis cerebri) ex duplici lobo constat, quorum anterior renis figuram exhibens in sella turcica locatur, atque cum infundibuli extremitate continuatur, ab hoc vero sejungitur interpositione duræ matris. Mekelius tam infundibulum cavum, quam duram matrem minimo quodam foramine perviam descripsit; atque hinc humorem ab hac glandula per infundibulum in tertium ventriculum excerni au-61 Contraction tumat.

XXXIV. Retro ad commissuram nervorum opticorum, duo tubera mammillaria, pisiformia, aut candicantia locantur. Hæc externe àlbida, interne cinerea ventriculo

(XXIX)

tertio respondent, atque productiones anteriores trigoni cerebralis recipiunt.


XXXV. Retro ad eminentias has ab angulis anterioribus eminentiæ anularis crura cerebri magna sese offerunt. Hæc funiculorum anteriorum medullæ spinalis soboles emispheria petentia divaricantur, atque levem, et amplam fossam substantiæ medullaris inferius comprehendunt, quæ stratum ventriculi tertii constituens a sulco anteriori longitudinali ejusdem spinalis medullæ producitur, hinc plurimis foraminibus arteriæ carotidis internæ (substantia perforata media Vicq-d'Azir) perfoditur.

XXXVI. Inter posteriores, et medios utriusque emispherii lobos, Protuberantia cerebralis sita est, ad

## (XXX)

cujus posticum marginem corporis callosi ipsa emispheria conjungentis posterior extremitas observatur. Inter hanc, atque superiorem protuberantiæ faciem scissura transversalis arachnoideam, atque piam matrem in tertium ventriculum ducens sita est, hæc continuatur ad latera cum scissura alia semicirculari inter corpora fimbriata, atque thalamos nervorum opticorum, atque ex his tribus sulcis, qui inter cerebri externam superficiem, atque ventriculorum lateralium caveam communicationem statuunt, fissura magna transversalis Bichat exurgit.

XXXVII. Cerebri externa superficies gyris intestiniformibus, atque respondentibus anfractubus, seu sulcis distinguitur. His originem



præbet stratum quoddam cerebrale duo, aut tres lineas crassum, quod in diversas plicas contrahitur.

XXXVIII. Stratum hoc ex duplici substantia exteriori corticali, interiori medullari conflatur.

Omnes fere huc usque Physiologi substantiam corticalem, aut cineream a vasis subtilissimis secernentibus; medullarem vero a ductibus excernentibus in totius corporis nervos permutandis conflari crediderunt. Recentiores vero non amplius nervosum systema veluti arborem ramos, et ramulos educentem habuerunt, sed veluti amplissimum rete cujus quævis fila cuique organo, atque functioni præsunt. Hanc sententiam sequutus fuit præclarissimus Anatomicus Gall, qui addit etiam corticem cerebri tam-

### (XXXII)

quam nervorum matricem esse, ex qua substantiæ medullaris filamenta suum nutrimentum, atque incrementum hauriunt. Præterea medullam vertebralem non jam uti nervorum a cerebro descendentium fascem, sed uti nervorum scandentium fasciculos, considerat, qui medullam petentes ab ejus intimo cortice nutriti ascendendo crassescunt, ut inde in cerebro, et cerebello in strata quaedam explicentur, quibus novae fibrarum medullarum massae a cerebri cortice provenientes superadduntur in and

Hisce positis, ut internas cerebri partes expendamus ipsos medullæ fasciculos ad varias cerebri partes progredientes in antecessum examinemus.

n corticein cerchil tam-

(XXXIII))

Cerebri interna substantia.

XXXIX. Omnes medullosi fasciculi ex quorum expansione substantia cerebralis constitui debet funiculorum anteriorum medullæ spinalis soboles ab eminentiis pyramidalibus, atque olivariis producuntur.

XL. Quoad eminentias pyramidales. Fibræ funiculorum anteriorum medullæ infra pyramides in minimas quasdam tæniolas a duabus ad quinque inter se invicem complectuntur, et complicantur; ut dextræ in sinistrum, et sinistræ in dextrum cerebri latus prolongentur. In hac implicatione ob intermixtum corticem ascendendo crassescunt, atque pyramides gignunt.

## (XXXIV)

Supra pyramides tæniolæ non amplius decussantur, sed suum servant latus.

Ad externum funiculorum anteriorum latus fasciculus adest minor, cujus fibræ ante, et retro eminentias olivarias quas comprehendunt et generant, productæ ad anularem protuberantiam ingrediendam superius ascendunt.

Tertio funiculus aliis major ad præcedentis externum latus locatur. Hic posteriora petens parietes calami scriptorii, et quarti ventriculi constituit.

Omnes hi tres fasciculi inter se invicem, et cum fibris transversis protuberantiæ vario modo implicati, et per interpositum corticem nutriti ipsum pontem exsu-

### (XXXV)

perant, et brachia, crura seu cerebri femora componunt.

Productiones hujusmodi faciem externam, et inferiorem a pyramidibus, internam, et superiorem ab eminentiis olivariis, atque a tertio medullæ fasciculo derivatam habent. Præterea in facie inferiori strias referunt a substantia cinerea repletas, tum latere interno per medullosam laminam ( substantia perforata media ) conjunguntur, externo nervo optico respondent, denique intus corticem ( corpus nigrum Soemmering ) exhibent.

Cæterum horum pedunculorum medullares fasciculi emispheria petentes divaricantur, atque strata inæqualis longitudinis constituunt, quorum extremitates a substantia cinerea obductæ centrum cujuscum-5 \*

### (XXXVI)

que gyri inferioris, anterioris, atque exterioris, ad lobos anteriores, atque medios pertinentium componunt.

XLI. Eminentiæ olivariæ postquam suis fasciculis anteriorem protuberantiæ faciem superaverint superficiem internam pedunculorum petunt, ut inde post novum substantiæ corticalis additamentum thalamos nervorum opticorum constituant.

XLII. Hi thalami ( ganglii postici ) duo emispheroidea tubercula offerunt tertium, anterioresque ventriculos occupantia eminentias inter quadrigeminas, atque corpora striata sita.

Faciem superiorem convexam habent, internam tertium ventriculum respicientem planam, atque

### (XXXVII)

cum compari facie per substantiam cineream ( commissura mollis) conjunctam ; facies externa cum corporibus striatis continuatur; posterior vero tribus tuberculis distinguitur in trianguli formam dispositis, quorum unum in extremitate posteriori, tuberculum posterius superius, dicitur ; alia duo corpora geniculata, unum nempe corpus geniculatum internum, seu tuberculum posticum medium; alterum corpus geniculatum externum, seu tuberculum posticum inferius.

XLIII. Ante nervorum opticorum thalamos fasciculi eminentiarum olivariarum ob novam massam substantiæ corticalis, quam penetrant in ganglia cerebri anteriora, aut corpora striata facessunt. Hæc pyriformia, externe cinerea, interne

### (XXXVIII)

ab alternis substantiæ corticalis, atque medullaris stratis fabrefacta ventriculorum lateralium partem efformant, atque corpori calloso contigua sunt.

XLIV. Inter thalamos, atque corpora striata sulcus est, quem replet fascia quædam substantiæ non adhuc perspectæ a lamina cornea transparenti obducta, quæque ab apertura Monro ad corpus geniculatum externum producitur : tænia semicircularis, seu centrum semicirculare geminum dicitur.

XLV. Eminentiarum olivariarum fasciculi ultra corpora striata in medullaria strata expanduntur loborum posteriorum gyros constituentia. Quivis autem gyrus ex duplici horum stratorum pagina in

Lifennera l'externe, enneren . paterne

## (XXXXX)

plicam non difficulter dissolvendam efformatur.

XLVI. Quos secuti fuimus, medullares fasciculi a bulbo Rachitico ad cerebrales gyros divergentes dicuntur. Cum his autem fibris continuantur, atque implicantur fibræ aliæ medullares, quæ enatæ a substantia cerebri corticali ex uno in alterum emispherium producuntur, ad reciprocam inter ea communicationem statuendam ; fibræ hæ convergentes nominantur. Has singillatim examinemus.

XLVII. In fundo gyrorum superiorum cujusque emispherii fila convergentia mox a cortice enata ( ut hodie statuunt juxta Gall recentiores Anatomici) cum extremitatibus systematis divergentis veluti intersecantur. Hinc minima fila crassio-

### ((XL))

ra facta ventriculorum lateralium pavimentum petunt, ut dein ex margine interno atque inferiori scissuræ inter-emisphericæ educantur ad illam inter duo emispheria commissuram statuendam quam corpus callosum seu commissuram maximam seu mesolobum nominant.

XLVIII. Corpus hoc callosum fasciam medullosam, quadrangularem, horizontaliter positam tres pollices circiter longam exhibet. Ejus superficies superior ultra marginem inferiorem faciei internæ liberæ emispheriorum lateraliter producta illam parabolicam cavitatem, quam ventriculis laryngis similem dixerunt, efformat. Superficies hæc a linea eminenti (*raphe*) in duas partes dividitur. Ad hujus latera sulci (*striæ longitudinales latera*-

## ( XLI )

les ) inter se paralelli excavantur. Præterea circa hujus superficiei partem posticam fila quædam (tractus medullares transversi ) magis aut minus transversa conspiciuntur, quæque inferius ad ventriculos laterales descendunt.

XLIX. Superficies inferior magis extensa, atque libera lateraliter ad ventriculorum anteriorum superiorem parietem efformandum protenditur; hinc in linea mediana fornicem, aut trigonum cerebrale obducit, cui posterius immediate continuatur, anterius vero per interpositum septum lucidum ab illo sejungitur.

L. Extremitas anterior, et posterior contra semetipsas ad duas eminentias efformandas reflectuntur.

superiori libera, anque d' plexit Eld-

## (XLII)

Harum primam Genu, alteram Circellum Reil appellavit.

Præterea extremitas anterior lateraliter usque ad Silvii scissuram extenditur, atque in sua reflexione corporum striatorum anteriorem extremitatem amplectitur, anticumque ventriculorum lateralium parietem efformat, quo in decursu gyrorum inferiorum lobi anterioris convergentes fibras recipit.

Extremitas posterior anterius reflectitur, atque ad latera laminam medullarem emittit, quæ in pariete inferiori cujuscumque lateralis ventriculi oblongam atque cineream eminentiam, ( cornu ammonis, seu pes hyppocampi, seu protuberantia cylindrica ) obducit.

LI. Eminentia hæc recurva facie superiori libera, atque a plexu cho-

### (XLIII)

roideo operta, externe convexa, interne concava est. Ortum habet qua parte corpus callosum reflectitur; hinc prius exterius, dein anterius producto margine convexo, in tres, vel quinque modo leviores, modo profundiores crenas in substantia medullari quasi delitescentes una cum cornu inferiori ventriculi lateralis finitur.

LII. Aliquando prope supradictum marginem eminentia altera plus, aut minus longa reperitur; *Eminentia collateralis* Mekelii, aut accessoria pedis hyppocampi, aut *Femoralia* Malacarne nominatur. LIII. Ad marginem internum, et concavum cornu ammonis fascia quædam falciformis ( corpus fimbriatum ) protenditur, intra quam

### (XLIV)

fascia dentata Vicq-d'Azir delitescit.

LIV. Massa cinerea intimam cornu ammonis substantiam constituens extremitate posteriori intra corpus callosum reflexum bifurca fit, atque uno ramo cum lobi posterioris, altero cum lobi medii gyris continuatur; demum corpus callosum statim ac posteriori extremitate reflexum fuerit ex internis lobi posterioris gyris convergentia recipit filamenta.

LV. Fibræ callosi corporis transversæ, quas vidimus inferius ad ventriculos prolongari, forsan illæ æedem sunt, quæ inferius ad raphe latera producuntur, ut septum lucidum, aut septum medium efforment.

TR. LAFECTERICS

### (XLV)

LVI. Septum hoc est duplex lamina medullosa transparens, quæ superius cum linea mediana faciei inferioris mesolobi ; inferius, et posterius cum fornice; inferius, et anterius cum lamina reflexa extremitatis anterioris ipsius mesolobi continuatur. Duplex hæclamina ventriculos laterales sejungit, atque continet cavitatem a membrana serosa forsan obductam, atque cum tertio ventriculo communicantem, uti fratres Wenzel demonstrarunt. Caveam hanc ventriculum quintum vocavit Cuvier.

### Fornix .....

made we we will be and the state of the set

celli mar sole e same , untile official

LVII. Infra callosum corpus, septumque lucidum fornix, seu trigonum cerebrale protenditur. Hoc

### ( XLVI )

a fibris convergentibus gyrorum posteriorum lobi medii exoriens laminam medullarem fibrosam triangularem supra tertium ventriculum extensam exhibet. Facies ejus superior partim calloso corpori, partim septo lucido continuatur; inferior supra telam choroideam, atque thalamos nervorum opticorum superextensa in parte postica lineas quasdam salientes et transversas ( lyra seu psalterium ) promit.

LVIII. Extremitas anterior ( crus anterius ) aut trianguli apex prius descendens in duos fasciculos, aut crura dividitur, quæ ante corpora striata recurvantur, ut dein divergendo recta ad corpora pisiformia terminentur. Retro ad crura haec apertura ovalis ( foramen Monro ) magis, aut minus ampla tertium

### ( XLVII )

inter, atque laterales ventriculos communionem statuit, telamque choroideam cum arachnoidea membrana traducit.

LIX. Fornicis posterior extremitas, seu trigoni basis infra psalterium duos edit funiculos ( crura posteriora), quorum quisvis induas alias medullares productiones subdividitur, harum una brevior laminam illam medullarem, atque tenuem exhibet, quam vidimus operire cornua ammonis, altera longior in tæniam seu corpus fimbriatum abit. Hanc inter, atque nervorum opticorum thalamos, fissura adest, quæ in scissura magna transversali superficiem cerebri externam, atque inferiorem respicientem aperitur, atque piæ matri ventriculos adire permittit.

### (XLVIII)

### Ventriculi

IX. Diversæ quas descripsimus cerebri partes a se invicem separantur per varias caveas, quæ dicuntur ventriculi. Horum quartum, et quintum in bulbi rachitici, atque septi transparentis expositione examinavimus; modo vero a fissura parva transversali, atque a ventriculo quarto per Silvii aquæductum in caveam in linea mediana infra fornicem, atque thalamos nervorum opticorum ( tertius ventriculus ) exculptam, atque ex hac per foramen Monro in ventriculos laterales, seu tricornes penetrabimus.

LXI. Ventriculus tertius, aut medius cavitas est elliptica horizontalis, quæ superius a fornice, infe-

### (XLIX)

rius a lamina medullari cerebri eruribus interjecta atque ab eminentiis mammillaribus; anterius a lamina cinerea retro ad nervorum opticorum commissuram protensa; posterius ab ostio superiori aquæduetus Silvii; (anus) lateraliter a pariete interno thalamorum opticorum circumscribitur, qui inter se undequaque contigui in margine superiori per substantiam cineream (commissura mollis) continuatur; quin etiam hujus ventriculi cavitas tam anterius, quam posterius a duobus ostiis anteriori ( vulva ) et posteriori ( anus ) contrahitur.

LXII. Ab ostio anteriori ventriculus hicce descendit inferius duos saccos cœcos efformans, quorum anterior ante nervorum opticorum commissuram supra membranam cineream, posterior supra initium infundibuli acuto apice terminantur. LXIII. Retro ad ostium anterius inter fornicis anteriora crura, atque nervorum opticorum thalamos substantia medullaris contigua tantum est, unde ovalis apertura (*foramen Monro*) enascitur, quæ plexum choroideum, atque arachnoideam ex ventriculo tertio in laterales transmittens liberam inter hos ventriculos communicationem constituit.

LXIV. Præterea ventriculi tertii posterior extremitas continuatur inferius ostio posteriori cum ventrilo quarto per Silvii aquæductum, et superius cum superficie externa cerebri ope cujusdam transversæ fissuræ inter extremitatem corporis callosi, atque glandulam pinealem

## (LI)

sitæ, quæ partem mediam *fissuræ* magnæ transversalis designat, atque telam choroideam, canalemque arachnoideum juxta Bichat ab externa superficie in tertium ventriculum ducit.

LXV. Supra ostium anterius, et posterius funiculus medullosus transversim sese præbet ( commissura anterior, et posterior) quorum anterior dimidium pollicem extensus, teres, atque liber in emispheria complanatus producitur, atque hinc juxta præclarissimum Chaussier recurvatur retrorsum ad mesolobum, atque cerebri pedunculos, posterior vero priori analogus ad tubercula quadrigemina prolongatur.

LXVI. Ventriculi laterales, anteriores, seu tricornes duas promunt cavitates irregulares in emis-7 \*

### ( LII )

pheriis per longum exculptas, quibus pro pavimento partes internæ, quas jam descripsimus, pro tecto gyros membranæ cerebralis sunt.

Ortum habent retro ad Silvii scissuram duos circiter transversos pollices ab extremitate anteriori cujusque emispherii distantes; hine superius, et posterius ad latera septi lucidi ducuntur; in hoc decursu vix ab origine parvam quamdam retrogradam, atque angularem caveam ( cornu anterius ) inter parietem anteriorem ventriculi, atque corporum striatorum respondentem extremitatem quasi abditam adeunt. Edito cornu anteriori a septi lucidi lateribus recta postrorum progrediuntur usque ad corporis callosi posteriorem extremitatem, quo cum pervenerint, antequam deorsum

### (LIII)

progrediantur, retorquentur ad cavitatem triangularem, atque recurvam, concavitate introrsum spectante, ( cornu posterius, cavitas digitalis, seu ancyroidea) gignendam, quæ in lobo posteriori usque ad emispherii posticam extremitatem protensa delitescit.

Cavitate hac digitali producta, reflectuntur, et contorquentur inferius hi ventriculi exterius, et anterius ad cornua descendentia, aut lateralia efformanda, quæ corpora fimbriata, et cornua ammonis continentia finem habent retro ad Silvii scissuram infra centrum illud ubi originem habuere, et in illius sulci cœco fine, ubi dictorum corporum crenatæ extremitates, seu pedes hyppocampi elevantur.

nussion shinespecture alasmester

## cert( VIL ) ha superfici

LXVII. Cavitas digitalis undequaque a substantia medullari obducta in pariete inferiori eminentiam exhibet calcar, unguis, aut pes hyppocampi minor nominata.

LXVIII. Præter hæc observari meretur ventriculos laterales distinctos esse a sulco per quem plexus choroideus trajcitur. Sulcus hic ab hiatu Monro originem ducens superius thalamos inter opticos, atque marginem trigoni cerebralis, inferius thalamos inter opticos, atque corpora fimbriata decurrens, pone has fimbrias in fissura illa finitur, ex qua pia mater cerebri cavitates ingreditur retro ad arachnoideam quæ hanc eamdem fissuram perfecte claudit.

LXIX. Hisce absolutis encephali velamenta consideremus. Tota cerebri externa superficies suis tutatur velamentis, quæ ejus substantiæ descriptioni cum recentioribus anatomicis posthabuimus, ut magis apprime quidam horum in cerebri latibulis processus agnoscerentur.

# du nut annie Dura Mater.

-acted a stable of a set for a set a set a set and a set

LXX. Dura meninx membrana est fibrosa, robusta, insensibilis, irritabilitate expers intra cranium sita. Unica tantum lamina componitur, licet eam in duas diviserint omnes huc usque fere Anatomici, eo quia caveas quasdam in ejus fabrica quas dixerunt sinus observaverint.

LXXI. Duas exhibet superficies unam externam, quæ cranii ossa

WELLARD CARCEN STREETS

### (LVI)

respicit; internam alteram cum arachnoidea cohærentem. Ab hac interna superficie variæ educuntur productiones, aut duræ matris Processus, quorum primarii sunt.

LXXII. Processus falciformis, qui anterius a sphenoide, et crista galli enascitur, et juxta suturam sagittalem ad eminentiam usque cruciformem ossis occipitis progreditur. Processum hunc processum falcatum, aut falcem duræ matris vocant, quæ ideo cerebri emispheria a se invicem dividit : ubi autem processus hic in osse occipitis finem habet in septum alterum convertitur fere horizontaliter positum, perforatum a medulla atque ab occipite ad sellam turcicam ductum; alteri huic septo nomen fecere tentorium, quod etiam a situ proces-

### (LVII)

sus transversus duræ meningis constituit. Hæc iterum interna meningis lamina assurgit parumper posterius ad infimam occipitis sedem, et cerebelli lobis aliquantulum interjecta parvum efficit septum (falx seu processus falcatus cerebelli ) a protuberantia occipitali interna ad foramen occipitale ante cristam ejusdem nominis protensum, cujus basis cum tentorio, apex bifurca cum lateribus dicti foraminis continuatur.

LXXIII. Horum processuum usus est defendere cerebrum, ne in variis corporis positionibus pars una ab altera cum detrimento comprimatur.

LXXIV. Facies hæc, seu lamina interior qua parte ab exteriori sejungitur spatiola relinquit fere tri-

ŏ

## (LVIII)

angularia *sinus* dicta ad sanguinem cerebri venosum recipiendum destinata, quorum præcipui hi sunt.

LXXV. Primus sinus longitudinalis, qui a crista galli sub sutura sagittali excavatus occiput versus decurrit usque ad hujus ossis eminentiam cruciformem, ubi sinus hujusmodi in duos propemodum dispertitur, qui laterales vocantur.

Quo in loco hi tres confluunt sinus conspicitur cavea ( torcular Erophili ) in quam pariter exonerantur sinus quartus seu perpendicularis juxta basim falcis excurrens, atque in tentorio exculptus; sinus falcis ab infimo processus longitudinalis margine proveniens; tum denique sinus occipitalis posterior dexter ac sinister ad latera fo-

### ( LIX )

raminis magni prope finem sinuum transversorum siti.

Præterea io eos tres principes duræ matris sinus plures alii convergunt; nempe sinus petrosi superiores, ac inferiores dicti, quatenus supra, et aliquando infra os petrosum siti sunt; tum alter ad sellæ equinæ latus, quique cavernosus nuncupatur; similiter alter, qui in ipsa sella equina ( sinus transversus ) transversim jacens, inter sinus cavernosos, atque petrosos communicationem statuit; tum alius sinus, qui limbum sellæ equinæ legens coronarius, aut circularis dicitur; neque ab his omnibus excludi debet sinus occipitalis anterior transversim jacens in apophysis basilaris superiori parte. 8 \*

### (LX)

LXXVI. In sinuum cavo hinc inde fibræ quædam (*Villisii cordæ*) transversim ducuntur, quæ veluti habenæ eorum nimiam dilatationem impediunt.

LXXVII. Duræ meningis arteriæ ab utraque carotide, et vertebralibus suppeditantur, venæ in sinibus terminantur, atque hi in venis jugularibus.

LXXVIII. Dura mater periostium internum cranii, et sinus efformat, cerebrum defendit, atque continet.

### les audmi Pia Mater.

der han an a same coronarias , ant

communicationem statuit :

LXXIX. Pia mater velamentum est ex rete vasculoso fabrefactum, encephalon infra arachnoideam immediate convestiens, atque in om-

### ( LXI )

nes sulcos, atque anfractuositates sese producens.

LXXX. Duas exhibet facies externam undequaque cum membrana arachnoidea coherentem, quam nonnulli veluti alteram piæ matris laminam habuerunt, internam, quæ suis vasis in substantiam cerebralem prolongatur.

LXXXI. Dividitur in piam matrem externam, atque internam.

Pia Mater externa.

"tamzofia

LXXXII. Obductis undequaque cerebri emispheriis supra inferiorem pontis Varoli faciem, atque hinc supra fimam cerebelli superficiem producitur, ex hac in superiorem ejus faciem reflectitur, ubi sursum ascendens eminentiis bige-

### (LXII)

minis obvelatis, una cum pia matre ab extremitate posteriori corporis callosi descendente partem mediam fissuræ magnæ transversalis conarium inter, atque eminentias bigeminas petit, dum lateraliter in ramos ejusdem fissuræ magnæ producta retro ad fimbrias, membranamque arachnoideam ventriculos laterales obducentem in eos ipsos cum plexu choroideo contigua prolongatur.

### Pia Mater interna.

espenssban eitenbelo -. 112 Amistala

trienlumit ich staten exterinary fit.

LXXXIII. In ipsa fissura transversa posteriori pia mater interna originem habens mox foramen exhibet, in quod membranæ arachnoideæ plica in tertium, atque la-

### (LXIII)

terales ventriculos explicanda producitur.

LXXXIV. Ab hoc foramine tertium ventriculum telæ choroideæ nomine subit. Tela hæc laminam triangularem exprimens, cujus basis posterius, apex anterius respicit, cum fornice superne cohæret, atque ad latera inter fornicem, atque nervorum opticorum thalamos in ventriculos laterales profertur, Præterea anterius in tertium ventriculum progrediendo libera fit, atque in plures vasculosas plicas plexum choroideum constituentes colligitur.

LXXXV. Plexus choroideus per foramen Monro inter crura fornicis anteriora, atque respondentem thalamorum extremitatem ventriculos laterales ingreditur. Per hos in

### (LXIV)

peculiari sulco usque ad eorum extremitatem excurrit, quo in tramite per fissuram inter corpora fimbriata, atque thalamos exculpta cum pia matre externa, atque respondente cerebri superficie iterum continuatur.

LXXXVI. Supra piam matrem externam, et aliquando in ipso sinus longitudinalis cavo corpuscula quædam subflava graniformia vesiculas exhibentia, usus non adhuc perspecti reperiuntur; hæc Pacchioni glandulæ, et juxta Bichat granulationes cerebrales dicuntur.

### Arachnoidea.

Monro inter cruca forniell

LXXXVII. Alterum cerebri velamentum, vasis, atque nervis destitutum a Bichat inter membranas

(LXV)

serosas recensitum, ob tenuitatem telæ arachnearum simile membrana dicitur arachnoidea.

LXXXVIII. Licet velamentum hoc medium ex ordine stet, attamen piæ matri post-habuimus, quia ejus descriptio illam piæ matris supponit, cujus veluti externam laminam nonnulli habuerunt.

Dividitur in arachnoideam externam, atque internam.

### Arachnoidea externa.

AUTHRI ATHE . AND

LXXXIX. Arachnoidea externa saccum cœcum, seu vesicam exprimit, cujus externus, seu superior paries in cranio, in theca vertebrali, atque in ejusdem cranii canalisque rachitici foraminibus faciei internæ duræ matris adherescit, pa-

### (LXVI)

ries autem internus in theca vertebrali ex dura matre supra spinalem medullam, in cranii cavea fere semper cum pia matre conjunctus supra encephalon ad ejus externam superficiem undequaque amplectendam reflectitur.

XC. Præterea tam eranii, quam intervertebralia foramina petens totidem canales cœcos, atque conicos efformat, qui ad instar vaginæ indefinite aut vasa, aut nervos e foraminibus egredientes comitantur. Hinc in cerebri superficie supra anfractuositates a pia matre sejungitur, atque libere ab una ad alteram circumvolutionem, veluti Pons, traducitur.

Pari modo membrana hujusmodi libera conspicitur in superficie inferiori, et media cerebri su-

### (LXVII)

pra Silvii fossam, atque fissuram magnam transversam, prope pontem, ex quo anterius supra tertii ventriculi pavimentum, atque nervorum opticorum commissuram reflectitur; posterius vero supra lobos cerebri posticos, atque ex his supra cerebelli inferiorem superficiem producitur.

### Arachnoidea interna.

has indefinitions and more theat nervos

-inconcluture : . sour . . and a control

XCI. Postquam arachnoidea a cerebri emispheriis per scissuram longitudinalem super corpus callosum protensa fuerit ab hujus posteriori extremitate pone eminentias quadrigeminas ad cerebellum descendit, atque inter has, glandulamque pinealem per foramen ovale piæ matris a Bichat primum des-9 \*

## ( LXVIII )

cripto peculiarem plicam ( canalis arachnoideus ) efformans tertium ventriculum infra telam choroideam ingreditur.

XCII. Plica hæc statim ac ventriculum cerebri medium penetravit in caveam aliam expanditur (uti fit in peritonæo prope foramen Winslovii) quæ tertio ventriculo circumducitur, nec non telam plexumque choroideum obducit; hinc prius, et pone alium saccum efformat, quorum anticus ventriculis lateralibus, posticus ventriculo quarto superextenditur.

XCIII. Arachnoidea in extremitate anteriori ventriculi tertii in plicæ formam retro ostium anterius per foramen Monro ventriculos laterales ingressa in his ad ipsorum internam superficiem obvelandam

### (LXIX)

explicatur ; dum interim ipsius plicæ fundus plexui choroideo instratus fissuram inter corpora fimbriata, atque nervorum opticorum thalamos exculptam occludit ad liberam inter hosce ventriculos externamque cerebri superficiem communicationem obstruendam.

XCIV. Tandem hæc eadem membrana in parte postica ejusdem ventriculi anterioris ostium posterius, continuumque Silvii aquæductum petit, ex quo in ventriculum quartum prolongata parvam fissuram transversam inter cerebellum, atque oblongatam medullam præcludit, atque inter cerebri caveas, ejusque externam faciem alteram prohibet communicationem.

muragi he and mi scorp.

#### IMPRIMATUR .

Fr. Th. Dominicus Piazza S. P. A. Pro-Mag.

Nihil obstat

Fr. Carolus Thil Ord. Erem. S. August. Cens. Theol. M. Angelus Poggioli Petrus Lupi Censores Medici.

IMPRIMATUR, J. Della Porta Patr. Constantinop. Vicesg.

